

| | |
|-----------|-----------------|
| Newspaper | UTUSAN MALAYSIA |
| Date | 08 JUNE 2017 |

Kerajaan campur tangan dalam ekonomi negara secara membina dan konstruktif

Nikmati limpahan ekonomi

WM-8/6/2017 pg.3

Oleh **ASLIZA MUSA**
pengarang@utusan.com.my

■ TAIPING 7 JUN

KERAJAAN tidak berpegang kepada falsafah ekonomi kapitalis yang terbuka sebaliknya campur tangan kerajaan dalam ekonomi negara dilakukan secara membina dan konstruktif.

Perdana Menteri, Datuk Seri Najib Tun Razak menegaskan, campur tangan itu bagi memastikan bantuan kepada mereka yang memerlukan dapat dilaksanakan.

Menurutnya, bantuan diberikan bukan dilakukan secara pukal tetapi bersasar untuk individu dan keluarga yang memerlukan.

"Inilah kerajaan yang dipimpin oleh UMNO dan Barisan Nasional (BN), kita tidak membiarkan ekonomi negara terus melebar sehingga menyebabkan yang kuat akan terus kuat, yang kaya akan terus menjadi lebih kaya.

"Sistem ekonomi yang terbuka seperti ini akan menyebabkan jurang pendapatan semakin hari semakin melebar. Kerajaan pimpinan UMNO dan BN tidak berpegang kepada falsafah ekonomi kapitalis yang terbuka sebaliknya tentukan campur tangan kerajaan secara membina," katanya.

Beliau berkata demikian ketika berucap merasmikan program Jom Bantu Rakyat dan Ziarah Kasih Ramadan Al-Mubarak Yayasan Tabung Haji Malaysia 2017 Parlimen Bukit Gantang di Taiping, Perak, Fasa 1 di sini hari ini.

Yang turut hadir Menteri Besar, Datuk Seri Dr. Zambry Abd. Kadir; Setiausaha Kerajaan Negeri, Datuk Seri Abdul Puhat Mat Nayan; Pengerusi Lembaga Tabung Haji



NAJIB TUN RAZAK bersalaman dengan sebahagian tetamu yang hadir dalam program Jom Bantu Rakyat dan Ziarah Kasih Ramadan Al-Mubarak Yayasan Tabung Haji Malaysia 2017 Parlimen Bukit Gantang di Taiping, Perak, semalam. - UTUSAN/KAMAL BASIR WAHAB

(Tabung Haji), Datuk Seri Abdul Azeez Abdul Rahim serta Presiden dan Ketua Pegawai Eksekutif Tenaga Nasional Berhad (TNB), Datuk Seri Ir. Azman Mohd.

Perdana Menteri turut melancarkan Projek Lampu Jalan Kampung Fasa Lapan (LJK8) peringkat negeri yang meliputi 24 kawasan Parlimen.

Sementara itu, Perdana Men-

teri berkata, program Jom Bantu Rakyat melibatkan peruntukan sebanyak RM19 juta dan daripada jumlah itu, RM8 juta adalah daripada sumbangan UMNO, RM4 juta oleh kerajaan Pusat dan RM7 juta pula merupai duit zakat Tabung Haji.

Beliau berkata, bantuan zakat Tabung Haji yang diberikan melalui Yayasan Tabung Haji

menggunakan wang zakat akan diberikan terus kepada golongan asnaf yang memerlukan.

"Saya ingin jelaskan bantuan melalui Yayasan Tabung Haji ini menggunakan wang zakat dan bukan wang Tabung Haji seperti yang didakwa pembangkang. Ini adalah pembayaran zakat yang diwajibkan ke atas keuntungan," katanya.

Inilah kerajaan yang dipimpin oleh UMNO dan Barisan Nasional (BN), kita tidak membiarkan ekonomi negara terus melebar sehingga menyebabkan yang kuat akan terus kuat, yang kaya akan terus menjadi lebih kaya."

NAJIB TUN RAZAK
Perdana Menteri